

آبونه شرائطی

ممالك عثمانیه ده سنه لکی (۶۵)، الق
ایلغی (۲۵) غروشدور .

ممالك اجنبیه ده سنه لکی (۱۷)، الق
یلغی (۹) قرانقدور .

اداره خانه

باب عالی جاده سنده دائره مخصوصه

اضطرابات

آبونه بدلی پشندور .

§

مسلكه موافق آثار مع الممنونیه قبول
اولنور . درج ابدله بن یازیلر احاده
اولونماز .



۱۳۳۰

اضطرابات

رساله مزدن آلمدیغی کوسونلک شرطیه
بتون یازیلر هر هانکی برهفته طرفندن
اقتیاس اولونه بیلیر .

§

مکتوبلرک، امضالرک واضح و اوقوتاقلی
اولمسی و آبونه صره نومروسى محتوی
بولونمسی لازمدور .

§

ممالك اجنبیه اچون بونه اولر
درسلیرشک فرانسوزجه ده یازلمسی دجا
اولنور .

§

ردوندرلدیکى، ان نه یه دائر اولدیغى
واضعا بیلدیلمسی دجا اولنور .

ایله مشرف اولوب دین احمدی به بیوک بیوک خدمتله ابراز ایدرک نام جلیل و شرف اکتساب ایتد کیری بین الانام مسلمدر . یالکز مشار الیهم حضرتاتک برادر اکبرلری طالب بن ابی طالبک بعث احمدیه به یتشدیکی موثوق ایسه ده کنندیسنک دائرة اسلامه داخل اولدیغنی مطالعه ایتدیکم تواریح محتلفه ده منظور عاجزی اولدیغندن مومی الیه طالب حقنده بر تفصیل معلومات اعطاسیله بنده کیزی بیوک برمشکلدن خلاص ایتکمز . . .

مجید اوزنده محمد علی بک زاده

عارف حکمت

جواب :

طالب بن ابی طالب حقنده عبد عاجزده معلومات مفصله یی حازر دکلم . سیر نویسار ، اسلام اولمایان ، یاخود زمان بعثته یتشمه یی کیمسه لره دائر اوزون اوزادی به معلومات ویرمیورلر .

رسول الله صلی الله علیه وسلم افندیمر حضرتلرینک — عم مکرملری حمزه وعباس رضی الله عنهما ایله عمه محترمه لری جناب صفیه رضی الله عنهدن باشقه — عمجه لری وخاللرینک احوالی ده بک مجمل اولارق مضبوطدر که کنیدیلرینک مبعث رسالتی ادراک ایتهمش اولمالرندن انبعث ایله سه کرکدر . یاخود مفصل و مکمل معلومات ویریشدرده بزم کوزیمه ایلایشمه مشدر . طالب بن ابی طالب حقنده ، تعبیر مخصوصیله عجلاله الوقت اولارق بولدیغ قیوداتی بروجه آتی یازیورم :

۱ « واما ابو طالب بن عبدالمطلب فولد له علی وجعفر وعقیل وطالب وام هانی واسمها فاخته وجانه وامهم فاطمه بنت اسد بن هاشم بن عبد مناف وکان عقیل اسن من جعفر بعشر سنین وجعفر اسن من علی بعشر سنین واعقبوا الا طالباً . کتاب المعارف — ابن قتیه . صحیفه ۳۹ »

۲ « وکان علی رضی الله عنه اصغر اخوته فکان بینه و بین اخیه جعفر عشر سنین و بین جعفر واخیه عقیل کذاک و بین عقیل واخیه طالب ذلک ایضاً فکل اکبر من الذی بعده بعشر سنین فا کبرهم طالب ثم عقیل ثم جعفر ثم علی وکلهم اسلموا الا طالباً . السیره الحلبیه — علی بن برهان الدین الحلبي . صحیفه ۱۶۸ »

معلوم عالیکزددر که بو عبارده لردن برنجیسی « ابو طالبک علی ، جعفر ، عقیل ، طالب نامنده درت اوغلی ایله ام هانی فاخته وجانه اسمنده ایکی قیزی اولمشدی . آنالری ده (هاشم بن عبد مناف) ک اوغلی (اسد) ک کریمه سی (فاطمه) ایدی . عقیل ، جعفر دن اون یاش ، جعفر ده علی دن اون یاش بویوکدی . طالب دن ماعدا اولاد ابی طالبک هپسی ده چولوق ، چوجوق صاحبی اولدیله « ایکنجیسی ده » علی رضی الله عنه ، قارده شلرینک اک ک کوچوکی ایدی . برادری جعفر له آرا لرنده اون سنه واردی . جعفر ده قارده شی عقیل دن ، عقیل ده برادری طالب دن اون یاش کوچوک ایدیله . یعنی اک بویوک کیری طالب ،

ساعت مسافده عزیزیه ودها اوزاق بر محله رؤیت هلال ثبوت بوله رق مبدأ رمضان ویا شوال ایچون حکم اولنوب اعلام شرعی صدور ایدوب قضا مزجه رؤیت هلال ثابت اولان محللردن برندن رسماً تلغراف ایله اخبار کیفیت اولنوب و بزم ایچون یقین حاصل اولدیغنده بزده ایکی حال میدانه کلور :

(۱) : - رمضان غره سی ایسه قضا مزجه رؤیت ویا استفاضه ایله رمضان ثابت اولدیغندن اول کون اوروج طوتماق حلال .

(۲) : - شهه سز و یقیناً بیلورز که تلغراف رسمیده خلاف اولمز . اول کون رمضان در ، اوروجی طوتماق حرام .

حرمت جانبی ترجیح ایله تلغراف ایله عمل ایدوب اول کون رمضان اوروجی طوتمق ورمضانی اعلان ایتک واجبدر . شوال آبی اعتبار اولندیغنده ینه بویله در ، شوال آیتک غره سی تلغراف ایله خبر ویریلدیکنده ینه ملکتمزجه ثابت اولدیغندن اوروج طوتمق حلال و لازم ، یقیناً بیرام اولدیغنی بیلدیکمزدن اوروج طوتمق حرامدر . شو حالده بیرام یایمق واجبدر . تلفون و تلسر تلغرافده بویله . شاهد ، بر شیتک سختی آ کلامق ایچون مشر و عدر . شو وسائط ایسه بر شیتک حقیقت و سختی خبر ویر ، او یله ایسه بونلر ایله عمل جائزدر مفتی افندیکنک بورایه قدر اولان فقره سیله بالایه نقل ایتمش اولدیغمز مطالعات وفتوا اتحاد ایتمش اولدیغنی جهته مسئله ده از یاده کسب قوت ایدیور .

دولتک بتون رسمی معاملهلرنده ، اعلان حرب ویاخود عقد صالح کبی اک مهم مسئله لره بیله تلغراف و تلفون ایله عمل اولندیغنی حالده بو مسئله ده ایچون عمل اولندیغنی ، عمل ایتکده نه کبی بر محذور شرعی بولندیغنی امید ایدرز که فتوا خانه عالی ایضاح ایدرک امت اسلامییه نک تنویر افکارینه خادم بیاناتده بولنور . مع مافیه بالایه نقل ایتمش اولدیغمز مطالعات نظر دفته آلتیجه بو مسئله حقنده تلغراف و تلفون ایله عمل ایتکده دکل ، بالعکس عمل ایتمه مکده بک بیوک بر محذور دینی اولدیغنی آ کلاشیایور . انشاء الله رمضان قدر بوم مسئله حل اولنورده بعدما رمضان ده اوروج یمک ، بیرامده اوروجلی بولونمق کبی حاللر وقوع بولماز .

آفسه کیلی

احمد حمدی

سؤال :

حضرت رسالت پناه صلی الله تعالی علیه وسلمک عمیسی ابوطالب بن عبدالمطلبک درت اولاد ذکوری اولوب اسملری طالب . عقیل . جعفر . علی اولدیغنی براهین قاطعه ایله مثبتدر . مشار الیهمدن اوچی یعنی عقیل . جعفر وعلی رضی الله تعالی عنهم حضرتاتک شرف دین

مشار الہک اوقت موجود اولمادینی استدلال ایدیلور . (اسدالغابہ)
اقتباساً تالیف ایدیلش اولان (مطالع النجوم) عنوانی اثرک ۱۰۲ نجی
صحیفہ سندہ طالبک قبل الاسلام وفات ایلہ مش اولدینی کوستریلیورک
الطوغروسی دہ بلکہ بواولم لازم کایر . چونکہ : بعث پیغمبریدہ برحیات
بولوسیدی یا بدری ابوطالب کی رسول اللہ محبت و خدمتی ، یاخود
عمجہ سی (ابولہب) کی عداوت و خصوصیتلہ اشتہار ایلہ بکندن تاریخ
کتابلرنده قبل الہجرہ اولان وقایع صیراستندہ بومناسبات ایلہ البتہ
اسمی ذکر ایدیلوردی .

پیغمبرک عمجہ زادہ سی حقندہ ظهور اسلامہ یہ تیشدی دہ مسلمان
اولمادی دیمکدن بعث نبویہ دن مقدم ارنحال ایلہ دیکنی ظن ایتک (امتک)
ادبنہ داها موافق اولور صانیرم .

طالبک نتیجہ حالی معلوم دکل . کندیسنی جن چاریدیفنہ ، یاخود
قابدیفنہ دائر خرافی برروایت وار . احتمال کہ مکہ خارجندہ بولونورکن
بر یردہ دوشوب قالدی . جسدی دہ حیوانات طرفدن پارچہ لاندی .
عودت ایتہ ییشی و آرانوب بولونامایشی اوزرینہ دہ جنلر قابدی ! دیہ
برشایعہ چیقدی .

ایشتہ افندیم ! سـؤالکزه قارشی ویرہ بیلہ جکم جواب ، بوندن
عبارت . ارباب معارفدن بری چیقارده داها فضلہ معلومات ویریرسہ
سزده مستفید اولورسکز ، بن دہ استفاضہ ایدرم

طاہر المولوی

شیخ سعدینک آجیقلی برمرثیہ سی

اولی یازدیراہ فہامع

ایرانلی اولارق دوغدینی حالہ بوتون بشریتک ، حتی بوتون جهان
خلقتک محی اولدینی :

بجہان خرم ازانم کہ جان خرم ازوست
عاشقم برہم عالم کہ ہم عالم ازوست

بیتلہ اعلان ایلہ بن (سعدی شیرازی) نک کلیات جلیلہ سی آراسندہ
حزین اولدینی قدر عبرت آکین برمرثیہ سی واردزکہ بغداددہ کی عباسی
خلیفہ سنک ۶۵۶ تاریخندہ وحشیانہ قتل اولونماسی و خلافت مقدسہ
اسلامیہ نک محو و مضمحل ایدیلہ سی اوزرینہ یازیشدر .

جوق دفعہ نظر تأثردن کچیردیکم بوفغاننامہ بنی اخیراً بنہ متأثرانہ
اوقودیم جہتلہ یابیلدیکم قدر مآلاً ترجمہ ایتہ سنہ ، صوکرادہ اسباب
تحریری حقندہ برپارچہ ایضاحات ویرمہ سنہ چالیشدم .

مطالعہ سی ، شو صیرالردہ نیم معبودلر ! درجہ سنہ چیقاریلان و تورکر
آراسندہ هیچ باشقہ کیمسہ یوقش کی تورکلنکک تمثال مشخصی کوستریلیہ

اورتائجلری عقیل ، کوچوکلری جعفر ، اک کوچوکلری علی اولمق
اوزرہ بررندن اوزر یاش فرقلی بولونویورلردی . طالب مستثنی اولمق
اوزرہ ہبسی دائرہ اسلامہ داخل اولدیلر . دیمکدر .

(حلی) نک بوروایتنی ، (السیرۃ النبویہ) صاحبی (سید زنی
دحلان) دہ عیناً نقل ایدیور .

شیمدی بوروایتلردن بر نتیجہ چیقارمایہ چالیشالم :
حضرت علی کرم اللہ وجہہ افندیز ، ولادت سیدہ نک اوتوزنجی
سنہ سی رجبک ۱۳ نجی جمعہ کونی مکہ دہ وکسہ مکرمہ داخلندہ
دوغمشدی . بوحسابجہ تاریخ تولدی ۶۵۲ سال میلادیسیدر . طالبک
امام مشار الہدن اوتوز یاش بویوک اولماسنہ کورہ ۶۲۲ تاریخندہ
دوغمش ، یعنی رسول اللہ حضرتلریلہ یاشیت بولونمش اولماسی لازم کلیور .
برده شو عبارہ بنی اوقویالم :

« . . . کان عندالنبي صلى الله عليه وسلم قبل ان يوحى اليه ويقوم
بامرہ لان قريشاً كان اصابهم قحط شديد وكان ابو طالب كثير العيال
فقال رسول الله صلى الله عليه وسلم لعمه العباس رضى الله عنه ان اخاك ابا
طالب كثير العيال والناس فيما ترى من الشدة فانطلق بنا اليه فلنخفف
من عياله تاخذ انت واحداً وانا واحداً فجاء اليه وقال له انا نريد
ان نخفف عنك من عيالك حتى ينكشف عن الناس ما هم فيه فقال لهما
ابو طالب اذا تركتما لي عقيلاً وطالباً فاصنما ماشئتما فاخذ رسول الله
صلى الله عليه وسلم علياً فضمه اليه واخذ العباس جعفرأ فضمه اليه
وتركاه عقيلاً وطالباً . السيرة النبوية . السيد احمد زني دحلان

صفحہ ۱۷۵

مالی

« جناب علی ، رسول اللہ صلی اللہ علیہ وسلم افندیزک حجر ہایہ سندہ
بولونوب رسالتیناہ حضرتلری ، اونک امر اعاشہ سی درعہ دہ بویورمشدی .
چونکہ : مکہ دہ بریقطلق ظہوریلہ اہالی شدتلی بر صیقینتی یہ اوغرامشدی .
ابوطالب ایسہ فقیر الحال وکثیر العیال ایدی . اشفق الناس افندیز ،
عمجہ سی عباسہ « قارده شک ابوطالبک عائلہ سی کثیر . اہالینک دہ نہ حالہ
اولدینی کوریورسک . ہادی کیدہ لم دہ برادریکک اوزرندہ کی یوکی
خفیفہ تلم . اوغوللرندن برنی سن یانکہ آل ، برنی دہ بن آلیم ، دیہ
تشویق ایتدی . برابر کیدوب ابوطالبہ « ناسک صیقینتیی زائل اولنجه یہ
قدر عائلہ کدن ایکیسنی آلمق صورتیلہ بارمعیشتی تخفیف ایتک ایستیورز »
دیدیلر . ابوطالب « عقیل ایلہ طالبی بکا براقرسہ کزدیلہ دیککزی
یایکیز » جوابی ویردی . بونک اوزہ رینہ رسول اللہ حضرتلری ، علی بنی
آلوب عائلہ سی میانہ الحاق ایتدی ، عباس دہ جعفری آلوب عائلہ سی
آراسنہ ادخال ایلہ دی . عقیل ایلہ طالبی ابوطالبہ بیراقدیلر . »

(سید زنی دحلان) ک شوروایتنہ کورہ طالبک بعث نبویہ دن
برقاج سنہ اول حیاندہ بولوندینی آکلاشیلیور . لکن (سیرۃ الخلیہ)
صاحبک عین وقعہ بنی نقل ایلرکن طالب اسمنی ذکر ایتہ مہ سنندن دہ